

日本逸史

世五

世六

卷一



710.34

77

Vol 18



天津師範書院

藏書

所藏書

滋賀縣立書中
學校藏書印

日本逸史卷第三十五

天長四年春正月癸亥朔停朝賀為候御

藥也國史第七十一歲時部二元日朝賀及第三十四帝王部十四天皇不豫

甲子於儀陽殿廂下召親王已下侍從已

上命酒食賜被第七十一歲時部二宴會乙丑太上天

皇之親王并源氏召見仁壽殿賜衣被日本

記丁卯敕以在大和國高市郡贈皇后墾

田十町限御世施入橘寺春秋備過料以

綿三百屯，誦經於川原寺。於東西二寺各
屈四十九僧，使修藥師悔過。一七日國史
十四帝主部十四天皇不豫及第百七十一
八佛道部五藥師悔過第百八十二佛道
部九寺田地 丁丑任畿內校由使日本 戊寅差
內舍人召人一十人，令持香油，向于十禪
師正忠等住寺從去。十二月晦日，聖體不
豫，不御紫宸殿。皇太子以下侍從已上賜
祿，觀踏歌。詔曰：天皇我 詔旨良萬 宣布大

命乎 諸衆聞食倍 宣比來寒風余 不當給
御坐余 依之 今日乃豐樂理如常久 不聞
食然下 常母 見留 踏歌見太 爲退止 爲互
毛 御物賜波 久 宣皇太子已下稱唯拜舞
賜祿有差國史 第三十四帝王部十四天
皇不豫及第七十一二歲時部三
十六日 卒已詔曰：天皇詔旨止 稻荷神前
踏歌 申給閉 申佐 頃間御體不愈大 坐須 依
互 在求留 稻荷神社乃 樹伐禮 罪崇余 出

太利申須然毛此樹波先朝乃御願寺乃

塔木余用我為余止天東寺乃所伐奈今萬

成崇利申我故余畏美奈內舍人從七位

下大中臣雄良乎差使天禮代余從五位

下乃冠授奉理治奉留實余神乃御心志

坐波御病不過時日除愈給倍縱比神乃

御心波不在止威神乃護助給波力余依

之天御躬波安萬平支給年所念食止奉

憑倍申給布天皇詔旨乎申給波久申第

十四帝王部十癸未制曰天皇我詔良未

敕大命乎衆聞食止宣仕奉人等中余其

仕奉狀乃隨余治賜人毛在又巡察使乃

檢呈奏賜人毛在御意乃愛盛余治賜人

毛亦在故是以冠位進賜治賜波久敕天

皇我大命乎衆聞食止宣授從四位上直

世王正四位下從四位下南淵朝臣弘貞

從四位上正五位上佐伯王從四位下正
五位下弟野王正五位上從五位下真國
王石野王從五位上正六位上山階王長
川王從五位下從四位下朝野宿禰鹿取
菅原朝臣清公藤原朝臣濱主藤原朝臣
淨本從四位上正五位下藤原朝臣吉野
從四位下正五位下池田朝臣春野正五
位上從五位上藤原朝臣山人紀朝臣興

道百濟王勝義安倍朝臣吉人興原宿禰
敏久正五位下從五位下伴宿禰淨貞林
朝臣真純伊豫部連真貞藤原朝臣衛坂
上大宿禰鷹主藤原朝臣春繼藤原朝臣
長良從五位上正六位上藤原朝臣宮房
永原朝臣門繼紀朝臣野長登美真人直
名藤原朝臣清澄安倍朝臣豐內佐伯宿
禰諸成路真人永名石川朝臣英多萬侶

大中臣朝臣井作橘朝臣真毬布施朝臣
長人三國真人訓秀從五位下外從五位
下石古忌寸水直奄智造吉備麻呂外從
五位上益田連滿足外正五位下正六位
上清庭朝臣真豐安道宿禰嗣雄秦宿禰
島主八戸史磯道紀朝臣國守外從五位
下甲申詔曰天皇我詔旨良未敕大命乎
衆聞食止宣巡察使乃檢互奏賜閉國國

乃郡司等中介其仕奉狀乃隨介勤美譽
志美冠位上賜比治賜波久敕天皇我大
命乎衆聞食止宣授正六位上高向史公
守美努宿禰清負外正六位上久米舍人
虎取賀祐臣真柴佐伯鈴伎麻呂久米直
雄田麻呂外從五位下第九十九職官丁
亥節婦豐前國人難波部首子乃自賣免
其戸課役田租終身勿事子乃自賣年十

有八歲適下毛郡擬大領藤野勝宮守二十箇年夫宮守死去子刀自賣獨守空室十歲于茲遠近度士求之不少而有諒同穴無心再離愛亡夫之遺衣置獨守之牀上朝夕每見追攀不息亦得甘珍必供亡靈鄰里無不稱歎仍表門閭以旌貞操也

第五十四人 辛卯授正六位上船連乙山部十節婦 是日任官第九十九職官 外從五位下部四叙位四

記畧

二月辛丑任官日本 癸卯下符云云續日本後

紀見承和八年 丁巳制曰天皇恐恐毛

賜倍白久伊勢乃齋內親王本病屢發留

奉齋之事通不堪止所奏流依互京都介

還參上倍事乎中納言從三位清原真人

夏野大舍人頭從四位上藤原朝臣淨本

等乎使差互恐恐年奏賜久白國史第四

日本通史卷第三十五

伊勢齋宮 己未制曰云云是以正子內親王

皇后上定賜布云云從六位上攝朝臣第

氏大枝朝臣總成特叙從五位下第九十

部四叙即日任宮司日本皇帝更御紫宸

殿賜侍從已上飲謝座謝酒如儀六衛府

獻御贄酒酣奏和琴次推樂寮奏音聲殿

上廊下群臣皆率舞白日既昏繼以明燭

賜綿布有差國史第三十二帝王是日天

皇奉書於嵯峨太上天皇請以定為親王

曰被賜以來稍淹年序偏恤鍾愛未閑才

學所恨荆山之璞遂混瓦礫皇家之胤從

淪胥度眷言猶子情淡矜愍謹檢弘仁五

年五月八日詔旨除親王之號賜朝臣之

姓如可關者朕殊裁下特望齒列親王榮

曜貽孫方寸之思伏聽天裁者嵯峨太上天

天皇遂不聽焉見三代實錄記大納言正

三位右近衛大將源朝臣

定之履
歷之下
庚申遣參議式部大輔從四位上

南淵朝臣弘貞右京大夫從四位下藤原

朝臣文山申伊勢齋內親王歸京之狀石

作山陵國史第四神祇部四伊勢齋宮

三月己巳授無品賀樂內親王四品日本記畧

庚午從五位下藤原朝臣村田為肥後守

即授從五位上國史第九十九職是日任

官日本記畧壬申授外從五位下飯高宿禰姊

綱從五位下國史第九十九職甲戌河內

國荒閑地五十町給大學寮第百七職官部十二大學寮

寮散位從四位下藤原朝臣伊勢人卒贈

太政大臣正一位武智麻呂之孫參議從

三位巨勢麻呂之第七子也延曆二十二

年叙從五位下弘仁十三年至從四位下

性理整正能練衆務佃容之費稍遠物情

雖勤口頗之寬怒僕友苦之年六十九第六

十六人
部薨卒

夏四月癸巳御大極殿奉幣帛伊勢大神
宮敕使參議左大辨正四位下直世王中
臣散位從五位下大中臣朝臣笠作制曰
天皇我大命余坐度會乃五十鈴之川上
余坐皇大神乃大前余申給久令侍留齋
內親王波本病屢發互奉齋余不堪余依
令退出狀乎參議正四位下直世王中

臣散位從五位下大中臣朝臣笠作乎差
使互禮代之大幣帛乎忌部弱肩余太手
次取挂持齋波捧令持互進給布御詔乎
申給久止申辭別互申給久齋內親王波令
卜食定互卜余合武武內親王乎進可進狀
乎申給久止申國史第四神祇丁酉幸南池
召文人有御製皇太子以下應製獻詩賜
祿有差第三十一帝主部辛丑御紫宸殿

日本通史卷第三十五

九

賜鎮西大貳朝野宿禰鹿取錢特召五位
已上文人命賦雜詩有御製酒酣雅樂寮
奏音聲賜鹿取御被日本記畧乙巳幸神泉苑
歷覽垂釣癸丑幸神泉苑遊釣國史第三十一帝主
部十一天下丁巳散位正四位下佐伯宿禰
清岑卒從五位下男人之孫從五位下人
麻呂之男也延曆二十四年叙從五位下
弘仁十三年至從四位上濕顏借人不見

怒也韋絃之間頗闕相濟清情之操仰有
可稱改遠所致邊城無風塵之驚但嘗任
上野守之時例舉之外更申加舉國多未
納之煩民有逋負之苦遷任常陸守又行
此政百姓愁之治名斯闕□宰言上遂從
停止秩滿入京終于豐島之別業時年六
十五第六十一人部薨卒戊申地震第一百七十一災異部五地震異
五月癸亥任官日本記畧從五位上和氣朝臣

真綱任左中辨公卿補任戊辰贈僧正傳燈大

法師位勤操卒云云景雲四年秋有敕於

宮中及山階寺度一千僧法師則千勤之

一也國史第百八十七佛道部十四度者

庚午武藏國獻白雉第百六十五祥瑞部上雉甲戌亥

刻雷鳴雨降此夜皇后誕生皇子男也庚

辰冷然院賀皇子新誕賜五位已上衣被

詔中納言正三位良峰朝臣安世東宮學

士從五位下滋野朝臣貞生等撰近代詩

人所作之詩勒作兩帙名曰經國集日本記畧

滋野朝臣貞生上表曰臣聞夫肇書契奎

至文章古有採詩之官王者以知得失故

文章者所以宣上下之象明人倫之叙窮

理盡性以究萬物之宜者也且文質彬彬

然後君子譬猶衣裳之有綺縠翔鳥之有

羽儀楚漢以來詩人踵武洛汭江左其流

允隆揚雄法言之愚破道而有罪魏文曲
論之智經國而無究是知文之時義大矣
雖齊梁之時風骨已喪周隋之日規矩不
存而沿濁更清襲還美必所擬之不異乃
闇合乎曩篇夫貧賤則隔於飢寒富貴則
流於逸樂遂營目前之務而遺千載之功
是以古之作者寄身於翰墨見意於篇籍
不託飛馳之勢而已聲名自傳於後在君

上則天文之壯觀也在臣下則王佐之良
媒也才何世而不奇世何才而不用方今
梁園臨宴之操贍筆精英縉紳俊民之才
諷託驚拔或強識替古或射策絕倫或苞
蓄新奇或潛摸舊製伏惟皇帝陛下教化
簡撲文明鬱興以爲傳聞不如親見論古
未若徵今爰詔正三位行中納言兼右近
衛大將春宮大夫良峰朝臣安世令臣等

鳩訪斯文也。詞有精麗，盪吹須辨。文非一骨，備善維雜。若無琳琅盈光，琬琰圓色，則取虬龍片甲，騏驎一毛。既而太上聖皇推玉璽而蹤寂，皇帝睿主受昭華而德隆。共勉積學之添明，固要博聞之助道。慧性竝懋，天才俱聰。雅操飛文，似兩龍之分燭。興寄摘藻，疑雙曦之齊暉。緊健之詞體，物殊聳。清拔之氣緣，情增高。寶鞞滌毫，無勝負。

於八體，翡翠開匣，不優劣於六書。堯之克讓，文思舜之睿哲。好問先聖，後聖其揆。一焉。又先歲昇霞之駕，獻藻猶遺。當代重輪之光，精花彌盛。臣閱史籍之卷，未有如此之時。但至如製令，不敢許論。特降綸言，尚俾商榷。尺表測景，日月不以缺其輝。寸管候時，陰陽無以錯其節。遂使龍蛇同穴，龜魚共淵。屈荆山之光，和砥砭之質。斷自慶

雲四年迄于天長四歲作者百七十八人
賦十七首詩九百十七首序五十一一首對
策三十八首分爲兩帙編成廿卷名曰經
國集冀映日月而長懸筆鬼神而將奧先
入秀麗者卽不刊之書也彼所漏脫今用
兼收人以爵分文以類聚然年代遠近人
文存亡搜而未盡闕而俟後謹與參議從
四位上行式部大輔臣南淵朝臣弘貞從

和八續月從
八秋四下

四位上行大學頭兼文章博士播磨權守
臣菅原朝臣清公從四位下行東宮學士
臣安野宿禰文繼正五位下守中務大輔
臣安倍朝臣吉人等詳舉甄收無所隱祕
臣學非飽躋智異聚砂朱愚出上逼以嚴
命繫而不獲而敢以參議爵次姓名列之
如左謹上

經國集
第一

辛巳遣使畿內七道諸

國奉幣祈雨屈一百僧於大極殿轉讀大

般若經三箇日

日本
記畧

是日太政官符應停

勞効郡司預譜第事右得式部省解俛檢
按內太政官去天平十年四月十九日符
俛奉敕郡司緣身勞効被任一世者不得
取譜第之限者因茲省家所行勞効二世
已上既爲譜第方今功勞之輩追年不絕
一郡之譜隨代重積遂使頑庸之徒叨一
割功得職之後無底恥操是則子武之情

允非舊績苟是之心唯在繼譜望請無譜
之人蒙抹澤者自今以後雖積功二世已
上不預譜第然則涇渭別流蘭葱殊畝但
既往二世已上者爲第猶隨前例望請官
裁者中納言兼左近衛大將從三位行民
部卿清原真人夏野宣奉敕依請類聚三
代格第
七丙戌命少僧都空海請佛舍利內裏禮
拜灌浴其後天陰雨降數刻而止濕地三

寸是則舍利靈驗之所感應也

日本記畧

六月壬辰准河內播磨等國置和泉國易

田五百町國史第百五十九田地部上易

田○政事要畧云應置易田五百町事大鳥部一百十町和泉郡二百町

白根郡一百三十町右得和泉國解併此

國地勢燒堀良田少數若遭旱災舉

損民烟彫弊無不由斯望請准河內播磨

置併田者正三位行中納言兼右近衛大

將春宮大夫良峰朝臣安世宣奉教依請

已亥任官四品仲野親王為中務卿四品

阿保親王為上總太守日本記畧從四位下平

朝臣高棟任兵部大輔從五位上和氣朝

臣真綱任內匠頭止左中辨公卿補任癸卯太

政官符應補文章生并得業生復舊例事

右得式部省解併太學寮解併文章博士

正五位下都宿禰腹赤牒併天平二年三

月二十七日格併文章生二十人簡取雜

任及白丁聰慧不須限多少者而省去弘

仁十一年十二月八日符併太政官去十

一月十五日符傳按唐式照文崇文兩館
學生取三品已上子孫不選凡流今須文
章生者取良家子弟察試詩若賦補之選
生中稍進者省更覆試號爲俊士取俊士
翹楚者爲秀才生者今謂良家偏據符文
似謂三品已上縱果如符文有妨學道何
者太學尚才之處養賢之地也天下之俊
咸來海內之英竝萃游夏之徒元非卿相

之子楊馬之輩出自寒素之門高才未必
貴種貴種未必高才且夫王者之用人唯
才是貴朝爲廝養夕登公卿而况區區生
徒何拘門資竊恐悠悠後進因此解體又
就中文章生中置俊士五人秀才二人至
于後年更有敕旨雖非良家聽補之俊士
者良家之子還居下列立號雖異課試斯
同徒增節目無益政途又依令有秀才進

士二科課試之法難易不同所以元置文章得業生二人隨才學之淺深擬二科之貢舉今專曰秀才生恐應科者稀矣望請俊士永從停廢秀才生復舊號選文章生依天平格謹請處分者寮依解狀申送者省依解狀請官裁者正三位行中納言兼左近衛大將春宮大夫良峯朝臣安世宣奉敕依請本朝文粹第二辛亥任相撲司三位二

人四位八人五位十四人

國史第七十三歲時部四相撲

壬子幸神泉苑見參中納言已下大舍人

已上賜商布有差

第三十一帝玉部十一天皇行幸下

癸丑

下左右京職符傳中納言兼左近衛大將

從三位行民部卿清原真人夏野宣伴坊

城依檢破損使散位從五位下伴宿禰嗣

枝等勘定無損之處具付京職修理功畢

之處職吏檢領付畢之後理損之物即勘

錄移送使司若非理盪損令職修之見齊

年九月十日甲寅尾張守從四位下路真人九日符

牟繼卒從五位下野上之孫正七位上正

道之男也延曆二十二年叙從五位下任

兵部少輔出雲守弘仁四年累遷宮內太

輔任相模介叙正五位下政聲著聞轉任

守十二年叙從四位下任河內守俄遷修

理大夫天長三年任丹波守遷尾張守雖

無文才恪勤不懈時年七十國史第六十

己未近江國高島郡荒廢地一百五十二

町給彈正臺第一百七職官部

秋七月癸亥云云是日為聖體有間云云

敕曰如聞諸國疫癘天亡者衆自非修善

何以攘災宜令諸國各請練行僧大國二

十人上國十七人中國十四人下國十人

三箇日內晝轉金剛般若夜修藥師悔過

日本書紀卷第三十五

其布施者三寶、穀十斛、僧三斛、以正稅充

行俾致精進國史第百七十八佛授正六

位上高階真人清上從五位下第九十九

叙位乙丑皇帝幸神泉苑垂釣第三十一

一天皇幸下辛未地大震多頽舍屋一日之內

大震一度小動七八度癸酉地動不止亥

刻地大震每地震皆有聲甲戌震動乙亥

地震二度戊寅地大震二度庚辰地震辛

巳地震第百七十一災壬午授正五位下

大宅水取臣繼虫從四位下第九十九職

四癸未卯刻地震午四刻地震夜半地亦

震甲申雷動雨降戌刻地震丙戌地大震

戊子地震己丑地震午刻亦大動未刻亦

動第百七十一災異部五地異

八月壬辰地震甲午地震乙未午刻地震

子刻地震丑刻亦地震丁酉地震國史第百七十一

一災異部 戊戌授東宮學士正五位下安

野宿禰文繼從四位下第九十九職官 李

丑地震癸卯地動有聲如雷甲辰地動第百

七十一災異部 是日遣參議大藏卿從四位

下藤原朝臣愛發等奉固東大寺盧舍那

大佛之由申於佐保山陵其詞曰天皇恐

恐毛云云日本乙巳申刻地震國史第百

七十一災異部 是日皇后宮亮正五位下大枝朝

臣總成獻芝草四株其中大者長二尺許

其為狀也紫丹色本一而末二枝往往有

節節間一寸許撓曲不直末差白總成

曰典侍繼子女主禁中宿處板敷下生日本

國史第百七十一 庚戌大風

屋宇競覆日本辛亥地震癸丑辰刻地動

酉刻又地動國史第百七十一 甲寅任官

日本丁巳定巡察大屬正八位官省屬大

初位官

國史第百七職官部十二彈正臺

○類聚三代格云太政官侍應定巡察屬官位並預馬料事大屬正八位上
官少屬大初位上官右得彈正臺解傅依
太政官去年十一月二十九日符新置巡
察大少屬各一員而未定官位亦不預馬
料望請准例被定官位並預馬料謹請處
分者中納言兼左近衛大將從三位行民
部卿清原真人夏野宣奉敕宣依
件定之但馬料給八位官一人料

九月庚申地震聲如雷辛酉亦如之丙寅
地動丁卯地動聲如雷戊辰亦如之己巳
地動壬申地震有聲甲戌地大震有聲己

卯地震如雷

國史第百七十一
災異部五地異

是日符傅

臺解傅弘仁十年十一月五日格傅左右
京職解傅太政官去弘仁六年二月九日
下兩職符傅右大臣宣奉敕如聞頃者京
中諸家或穿垣引水或壅水侵途宜仰所
司咸俾修營不責引流水於家內准禁露
汚穢墻外者今按符旨有壅侵之禁無掃
清之誠因之有勢之家都無掃清如此之

類諸家司并内外主典已上移式部貶考
奪祿者大納言正三位兼行左近衛大將
陸奧出羽按察使藤原朝臣冬嗣宣奉敕
依請者而起請之後曾無遵行量其意况
實是同罪望請同亦移省貶考奪祿者正
三位行中納言兼右近衛大將春宮大夫
良峰朝臣安世宣奉敕依請見貞觀十八年七月二十三日
御

冬十月庚寅地震聲如雷寅刻又地動壬

辰酉刻地震

國史第一百七十一
災異部五地異

乙未任官

日本
記畧

己亥地震

國史第一百七十一
災異部五地異

甲辰太

政官符置甲斐國牧監事右得彼國解俾
此國所領牧與信濃國同項年蕃息漸多
繫飼歲陪牝牡之數于今十餘而至當監
事品秩稍卑按檢馬政於事無勢望請准
信濃國同置牧監謹請官裁者正三位行

中納言兼右近衛大將春宮大夫良峰朝

臣安世宣奉敕依請類聚三代格第五丁未御紫

宸殿右衛門府寮獻走馬輸物賜祿有差

國史第七十八卷戊申御紫宸殿賜飲群臣

奉獻部獻物醉舞帝彈琴而歌樂只臣談有詔賜共業

之簪人人捧頭詠歌投暮右近衛奏樂宴

畢賜群臣衣被第三十二卷帝王部

十一月甲子大內有狐鳴仍遣使柏原并

後大枝山陵申告其詞曰云云丙寅前大

僧都護命為僧正己巳護命率僧綱入賀

賜以御被日本記畧辛未下諸國符傳中統言

兼行左近衛大將從三位民部卿清原真

人夏野宣稱滅災成福事在修善為善之

功寔德與仁宜令諸國簡部內僧精進練

行為道俗眾庶教主者修行件會此文殊會也

若部內無人遠覓比國行之其會料者每

年割取救急稻利三分之一充用國司講
師共加監察不得踈畧見承和七年三月十四日符癸
酉地震國史第百七十一
災異部五地震異乙亥太政官符
應移式兵兩省令折留贖銅未輸之人位
祿事右得大藏省解俛檢按內太政官去
弘仁十一年十一月二十五日符俛得刑
部省解俛謹按獄令云凡贖死刑限八十
日流六十日徒五十日杖四十日笞三十

弘仁
符披
作搜

日若無故過限不輸者會赦不免雖有披
訴據理不移前斷者亦不在免限者今犯
罪之輩相續不絕贖未納逐年彌多望
請折留祿物令填贖贖謹請官裁者宜令
刑部省移大藏省其祿物者准贖銅數便
即折留令充刑部省者順符旨行來多妨
何者彼省所移犯罪之人或遷任解官或
任中卒死如是等類不預賜祿卽是式兵

兩省所掌匪此省之所知折留之色臨事
難辨隨移強留誼諱寔繁謹請官裁者正
三位行中納言兼右近衛大將春宮大夫
良峰朝臣安世宣宜停移大藏省令移式
兵兩省仍須兩省仰犯人之本司折留其
祿令送刑部其遷降外任及解任卒死等
類者兩省實錄報移刑部刑部即依兩省
移准例申官但見在之人猶有延息者重

移兩省

類聚三代格第十一

庚辰地大震聲如雷壬

午地震

國史第一百七十一災異部五地震異

癸未告柏原山

陵詞云天皇畏畏

毛申賜閉申久御陵木

禮事檢見使等申久御在所上介木生

多利申介依豆掃却介淨奉年為介參議

正四位下直世王左京大夫正四位上石

川朝臣河主等乎差使天奉出須申賜布

狀乎畏畏毛申賜波久申第三十一帝王

日本逸史卷第三十五

丁亥地震第百七十一災

十二月戊子地震己丑地震國史第百七十一災

是日符傳正三位行中納言良峰朝

臣安世宣如聞祝帳返抄民部省勅載徵

物為例申官官更轉寫下符彼日轉寫之

間動多錯繆觸類有疑於公無益宜自今

以後准返却帳制省解下知之見貞觀三

日符辛丑地震屈請清行僧百口於大極

殿轉讀大般若經三箇日為停地震國史第百

七十災異部五地異癸卯雪降第百六十五地震

第百七十一災異部五地異乙巳授正六位上藤原朝

臣道長滋野朝臣貞雄從五位下正六位

上海直淡海外從五位下第九十九職官

丙午地震第百七十一災壬子授正六位

上林朝臣土主從五位下第九十九職官

癸丑設服御物及飲食雜贄等獻於北宮

賀皇子誕生也

日本記畧

丙辰雨雪

國史第百六十五祥

瑞部
上雪

日本逸史卷第三十五

[Faded bleed-through text from the reverse side of the page]

日本逸史卷第三十六

天長五年春正月戊午朔皇帝御大極殿

受朝賀宴侍臣於內裏賜被

國史第七十一歲時部二

元日朝賀宴會

己未皇太子以下奉賀後宮賜物

有差

第七十一歲時部二三宮饗宴

甲子御豐樂殿授從

三位春原朝臣五百枝正三位從四位上

藤原朝臣綱繼正四位下正五位上弟野

王從四位下從五位下豐江王從五位上

正六位上近棟王從五位下正五位下和氣朝臣眞綱紀朝臣善岑安倍朝臣吉人從四位下正五位下大中臣朝臣淵魚正五位上從五位上笠朝臣仲守巨勢朝臣清野藤原朝臣雄敏藤原朝臣常嗣正五位下從五位下石川朝臣弟道和朝臣家主藤原朝臣長岡文屋朝臣大田紀朝臣深江大春日朝臣類雄貞江連繼人橘朝

臣氏人伴宿禰眞臣羽咋公吉足從五位上正六位上藤原朝臣良房坂上大宿禰正野安倍朝臣安仁伴宿禰黑成藤原朝臣貞守多治比眞人遠永田口朝臣佐波主當麻眞人廣道高橋朝臣廣野外從五位下安野宿禰眞繼百濟王綱繼忠宗宿禰末繼從五位下外從五位下宗形朝臣勝麻呂外從五位上正六位上安原宿禰

諸勝御野宿禰清庭山邊公清野刀岐直

淨濱外從五位下賜祿有差第七十一歲時部二十七

節會及第九十九職官部四叙位四乙丑女叙位日本記畧丙寅

授正六位上藤原朝臣貞成橘朝臣廣雄

笠朝臣數道栗田臣鹿主從五位下國史第九

十九職官部四叙位四己巳任官三品萬多親王為

太宰帥式部卿如故日本記畧參議從四位上

南淵朝臣弘貞任下野守參議從四位下

藤原朝臣愛發任下總守從三位紀朝臣

百繼任信濃守從四位上源朝臣信任播

磨權守公卿補任甲戌皇帝御臨射宮觀射國史

第七十一歲時部是日但馬馳驛言上渤

海人百餘人來著日本記畧丁丑外從五位下

壹岐直才麻呂任壹岐國造國史第十九神祇部十九

國造是日任畿內班田使日本記畧庚辰太政官

符應補鎮守府督師事右檢按內件督師

寶龜以來式部補任始自大同二省互補
今被中納言兼左近衛大將從三位行民
部卿清原真人夏野宣傳奉敕文武之職
執掌各異鎮守之官須兵部省九類聚三代格第五
辛巳源朝臣弘源朝臣常竝叙從四位下
公卿補任
二月戊子朔己丑但馬國司寫渤海王啓
中掌牒案進上日本記畧辛卯地震國史第百七十一災

異部五甲午御紫宸殿乙未任官日本記畧丙
地異申參議從四位上小野朝臣峯守任勘解
由長官公卿補任戊戌地震國史第百七十一災異部五地異
己亥宜子女王奉定齋王第四伊勢齋宮庚
子在西太寺四王堂故正四位下吉備朝
臣由利之奉寫一切經宛法隆寺為彼寺
經左京三條一坊山城國愛宕郡畠收宛
院日本記畧辛丑地震國史第百七十一災異部五地異丁未

御紫宸殿賜侍臣酒酒酣雅樂寮奏音聲

賜見參五位已上祿有差第三十一十二帝王部十一二天皇遊

是日右大臣藤原朝臣緒嗣上表敕答

日云云遣使就第賜之日本記畧中納言正三

位良峯朝臣安世任大納言辭春宮大夫

公卿補任壬子御小安殿遣使散位從五位下

三繼王奉幣大神宮其詞曰天皇我大命

小坐五十鈴乃河上小稱辭定奉大神乃

太前小申給久宜子內親王乎大神御敕

代止之奉入多親王仁在而今身安小依

天退出留替小中務卿四品仲野親王乃

女宜子女王子王散位從五位下三繼王

中臣神祇大祐正六位上大中臣朝臣无

品忌部少史正八位上齋部友生等差使

且申給久申國史第四神祇部四伊勢齋宮癸丑從三位

藤原朝臣繼彥薨云云性聰敏有識度尤

精星曆亦熟絃管雖三爵之後曲誤必顧

之第七、十七音樂部奏樂○公卿補任云

參議濱成三男母從三位多治縣守嘗

歷刑部卿也日本記甲寅賜鎮東按察使

署云繼彥薨年八十一伴朝臣國道餞有御製賜衣被及雜珍玩

物日本記乙卯太政官符應諸國國分寺僧

二十口之內令得度年分五人事右得太

宰府解稱觀音寺講師傳燈大法師位光

豐彥稱依太政官去弘仁十二年十二月

二十六日符度六十已上三人既以老耄

之極始入甚淺之道勤學修行更無如何

至於梵唄散花用音之事令會集者掩口

大咲加以三綱之職事多米鹽修理堂塔

料濟供養曾無強堪者破寺食供莫大於

斯望請年二十五以上者五人每寺聽度

因擇寸行糾偽盪死亡之替相續將度庶

幾駐佛日於欲沒建法幢於將倒者府左

覆審所陳有實仍請官裁者中納言兼左
近衛大將從三位行民部卿清原真人夏
野宣奉敕依請自餘諸國亦宜准此類聚三代

格第一

三月己未地震國史第百七十一 癸亥任

官日本 甲子聖躬乘和頻羞御藥國史第

帝主部十四 丙寅地震第百七十一 乙

亥任公卿日本 前中納言正三位藤原朝

臣三守任大納言天皇以舊德拜之中納

言從三位清原真人夏野任權大納言從

四位下三原朝臣春上任參議公卿 甲申

筑前國人難波部安良賣叙位二級免戶

田租安良賣父母共没常拜塚堂朝夕盡

哀又年十有六嫁宗像郡大領外正七位

上宗形朝臣秋足秋足死于今十五年遠

近聘之誓死終志本之名教孝節可嘉國史

第五十四人
部十節婦

閏三月丙戌朔丁亥授陸奥守從五位下

笠朝臣廣庭從五位上國史第九十九職官部四叙位四

己丑辛神泉苑垂釣左近衛府獻時味第三十一

十一帝王部十一一天皇行幸下甲午右兵衛督從四位下

勳七等坂上大宿禰廣野卒大納言贈從

二位田村麻呂第二子也弘仁初叙從五

位下任右兵衛佐遭父喪罷職更任右衛

門佐遷任右近衛少將兼伊勢守出羽陸

奥守秩滿任右兵衛督以武勇聞他才藝

執直不節操可嘉飲酒過度病發而卒

時年四十二第六十六人部薨卒是日任官日本記畧大

納言正三位藤原朝臣三守兼兵部卿參

議從四位上小野朝臣峰守兼刑部卿從

四位下藤原朝臣愛發任春宮大夫從四

位下和氣朝臣真綱任攝津守從四位下

平朝臣高棟任大舍人頭從五位上藤原朝臣良房任大學頭春宮少進藤原朝臣助任式部少丞公卿補任乙未豐前國俘囚吉彌侯部衣良由輸酒食百姓三百六十八人豐後國俘囚吉彌侯部良佐閉輸稻九百六十四束資百姓三百二十七人衣良由叙少初位下良佐閉叙從六位上國史第百九十九風俗部丙申授從四位上藤原朝臣淨本停囚

正四位下

第九十九職官部四叙位四

丁酉幸南池遊

魚貪餌群臣垂竿効獲無數御船就涼書

殿即召文人令賦詩春日開園獻詩者二

十三人

第三十一帝主部十一天皇行幸下

戊戌從四位下

藤原朝臣吉野任右兵衛督

公卿補任

庚子越

前國正稅稻五百束給采女角鹿直福貴

子

第四十後宮部采女及第七十八賞宴部下賞賜第八十三政理部五免田租

壬子大中臣朝臣春繼流伊豆國因射殺

萩原王也

第八十七刑
法部一配流

夏四月壬戌下太宰府符傳得豐前守從五位下伴宿禰枝嗣解狀傳檢太政官去大同元年六月一日符傳得山陽道觀察使正四位下藤原朝臣園人解傳西海道年中上都雜使其數繁多而此道疲弊殊於他界檢察其由率緣迎送無息不得顧私望請西海道五位已上自非秩滿解任

者不聽輒入京者右大臣宣奉敕依請者而太政官去天長元年八月二十日下七道諸國符傳檢參議左近衛中將從四位上兼行近江權守清原真人夏野奏狀傳國中政朝集使可申而或附史生至于問政譬如面墻伏望差官長副史生一人其國滯政於玉階之前令面陳言然後罷却便留史生令成遺政者依奏但有可奏

於玉階前者雖非朝集使聽入京無可奏
之事者雖朝集使而不聽者奚六道諸國
既依符旨披陳經遠之圖省廢承前之煩
而西海道獨守前格未遵後符四度之政
傳太宰府踰年涉月乃裁下以有限之秩
得期之報諸務雜事積年擁滯由斯前司
空經年序被拘解由後任偏爲疑端不肯
受預望請同准諸國被聽入京者左近衛

大將從三位兼守權大納言行民部卿清
原真人夏野宣奉敕依請者府宜承知先
勘定可申之事實所請有理任中一二度
聽入京依此不得輒用公乘自餘諸國宜
亦准此見嘉祥二年三月八日符丁卯有敕特令度尼
十九人國史第一百八十七佛道部十四度者河內國澁河郡
田六段島四町四段割大學所五十町六
段內給內教坊第一百七職官部戊辰太政

官符應置出羽守備仗二員事右陸奧出羽邊要之地獷俗難馴古來有稱而陸奧守殊給備仗出羽守獨無其員兵革之事先聲後實縱有警兼何以威之被大納言正三位兼行右近衛大將良峰朝臣安世宣稱奉敕宜准陸奧之例補之類聚三代格第五辛巳御武德殿覽馬射國史第七十三歲時部四五月五日癸未渤海客大使已下稍上已上賜絹綿

有差

日本記畧

五月丁酉授正六位上小野朝臣豐雄從

五位下

國史第九十九職官部四叙位四

丁未降雨殊甚

京中往路汎溢或川決山崩水漬人物多

漂遣使賑給左右京

日本記畧

辛亥參議正四

位下藤原朝臣綱繼致仕有敕以男從四

位下藏人頭吉野任參議

公卿補任

六月丁巳地震己未地震

國史第一百七十一災異部五地

異 甲子備前國墾田四町六段為大瀧寺

田據舊註寺田也第一百八十二佛道部九寺由地乙丑讚

岐權守從四位下高瀨王卒年七十一日本

記畧己巳御紫宸殿賜飲群臣召內藏寮錢

三百貫賜見參侍從己上有差國史第三十二帝王

部十二天辛未幸神泉苑遊釣丁丑幸神

泉苑右衛門獻物雷鳴雨降山崩水溢第三

十一帝王部十屈清行僧三十人於野寺

轉讀大般若經防木害也日本己卯地大

震國史第一百七十一壬午越後國穀一萬

斛班活窮民以濟饑苦也第八十政理部二糶糴

秋七月甲申朔日本丙申肥前國人白丁

吉彌候部與家叙少初位上與家既染皇

風能順教令志同平民動走公役修造官

舍及池溝道橋等未有懈倦加以國司入

部之日送迎有禮進退无過野心既忘善

行可嘉國史第一百九十九壬子詔曰朕以菲

虛丕詔睿業道謝用化慙中字春水競

兢日慎無勉秋駕悞悞夕陽何忘而薄德

靡昭翹心咎寔由人疑是八政或乘一物

失所歟靜言厥過責在朕躬寅畏天威無

忘鑒寐頃者坤德愆叙山崩地震其天下

狴行有冤滯者有司覆審情狀今得申理

又收葬道殣掩骼埋胔斑白不提指事使

一行
作行

又考丁之徭永從寬免八十已上及鰥寡

孤獨不能自存者節級賜物早以頒告咸

使聞知矣第百七十一是日參議正三

位兼中務卿美濃守春原朝臣五百枝上

表辭職許公卿補任

八月甲子右大臣從二位兼行皇太子傳

藤原朝臣緒嗣等言臣聞陰陽平分帝德

脩以休若天地何心皇道虧以震鼓神理

不違冥契合者伏惟皇帝陛下得一居貞
通三馭極邪龜喰和宛區負聰祥雲玉葉
泛碧宇而飛慶靈芝金莖祀丹瘁而吐瑞
僉云盛明豈不宜乎臣等伏見去月二十
九日明詔坤德懋叙山崩地震引名聖躬
寄嘖睿慮臣等恐伏愧慚如寒炎炭夫譴
之來或緣股肱災害之興未亦元首是以
貪獲生蝗嘖非漢主專擅震地罪歸宋臣

臣等翼高未効天工永曠不曾須塵於和
變詎可髣髴於五均遂使臣下之過翻為
君上之勞方知鏗鏘榮章為焦心之佩槐
棘陰□非源身之地不任屏營慊懇之至
奉表以聞國史第百七十一辛未為有天
地災變奉幣柏原先陵祈請之其詞曰天
皇恐美恐美申賜止申久頃聞天地變異
有介依天左カ右カ念介掛畏支天皇我朝

延乃護賜比矜賜波牟依之天平介無事久

有止倍之念賜毛天奈大納言正三位良岑朝

臣安世左京大夫正四位上石川朝臣河

主等差使天護賜矜賜布倍狀乎恐美恐

美毛申賜波久申丁丑祭北山神其詞曰天

皇我詔旨止北山神介申給倍申久去五

月二十三日嶺谷崩潰天京中水溢利疑

是常政有關波為當神道有妨波因茲天

念所行志畏知懼見賜不大神美此意乎

知食天天下平介惠給比助給牟依天奈

事無波可有之天使從四位下高拔王神

祇少副正六位上大中臣朝臣磯守差使

天禮代乃幣乎令掛資天獻出事乎申給

止申第十一神祇部十一祈禱

九月丁亥尚侍從三位藤原朝臣美都子

薨年四十八日本壬辰幸神泉苑使賦重

陽之詩賜祿有差

國史第七十四歲時部五九月九日

庚子

御武德殿覽信濃國御馬頒給參議已上

日本 戊申遊獵北野山城國司獻物扈從

五位已上及山城國司已上賜祿有差

第三十二帝王部

冬十月乙卯美濃國菩提寺伊豫國彌勒

寺肥後國淨水寺預定額寺

諸 丁巳地震動 第一百七十一災 己巳叙右

馬大允正六位上百濟王善義從五位下

第九十九職官 甲戌大地震乙亥地震

部四叙位四 戊寅東宮學士從四位下安

野宿禰文繼卒年五十六 日本

十一月己丑任官 日本 甲午參議從四位

上伴宿禰國道卒遣唐副使正四位下古

麻呂孫左少辨從五位下繼人男也延曆

四年依坐父事配流佐渡國率更當師友

就問所疑國衰文案出自伊人延難之治
 道亦得友二十四年有恩赦入京弘仁二
 年正月任陸奧少掾三年正月轉權介四
 年正月叙從五位下七年正月任伊勢介
 尋兼宮內少輔十年正月叙從五位上十
 一年九月任民部少輔十二年二月任右
 少辨十三年二月任右中辨十一月叙正
 五位下十四年四月任左中辨叙從四位

下五月任參議即兼右大辨十五年九月
 兼勘解由長官天長二年正月叙從四位
 上任陸奧出羽按察使兼武藏守三年正
 月兼相模守二月改兼武藏守今年復兼
 按察使為關邊機尋赴於任所卒時年六
 十一公卿補任從三位佐伯宿禰長繼薨年五
 十九日本記畧○按公卿補任長作永從
 五位上繼成男嘗歷左衛門督也
 丙申伊勢國員辨郡空閑地一百町為敕

旨田國史第一百五十九甲辰御豐樂院賜

宴群臣賜祿有差第九神祇部丁未地震

第一百七十一災是日三品大宅內親主出

家入道日本記畧

十二月壬子朔雨雪御紫宸殿聽朝朝罷

之後賜宴侍臣左右道衛奏東國之歌賜

綿有差國史第二十一八帝王部八天皇聽朝及第七十五歲時部六旬宴

壬戌下符云云見九十年十一月十一日丙寅備前國

稻一千束充大和國靈感寺國史第一百八十一二佛道部

九施入物丁卯太政官符一應停貶奪職吏考

祿依法贖銅事右得左京職解傅太政官

去天長四年九月二十一日符傅彈正臺

解傅太政官去弘仁十年十一月四日符

傅職解傅不掃清當路諸司諸家竝內外

主典已上貶考奪祿四位五位錄名奏聞

者而起請之後曾無遵行准之法條實是

同罪望請同亦移省貶奪職吏考祿者依
請今檢按內京中總五百八十餘町橋梁
三百七十餘處雖勤修造道橋多數往還
不絕不能無損年中巡檢十有二度每度
貶奪徒有俸祿之名曾無代耕之賞職吏
之患無甚於斯望請停奪考祿依法贖銅
者所請可優何者掃清當路於人非難忘
而不掃過在當處理須重責其人職司爲

政京國相亦所掌多事周辨難堪而以道
橋之一失奪一年之考祿賞罰之理良近
偏頗宜依請贖銅一應皇親准主典奪祿
事右同前解稱被太政官去弘仁十年十
一月五日符傳當路不掃清穿垣引水壅
水侵途等諸司諸家竝內外主典已上移
式部兵部貶考奪祿四位五位錄名奏聞
無帝親王家及所所院家以其別當官准

諸家司亦移省貶奪其雜色番上已下不論
論蔭贖決答五十者今按符旨皇親此雜
色之內類不論蔭贖決答謹按律條皇親
議論人也蔭同三位誠雖被下符驗理不
便望請准主典移省奪祿者其前符疎而
不勞皇親今如所請當奏請之但皇親蕃
多事惟輕碎宜依請以前大納言正三位
兼行右近衛大將良峰朝臣安世宜奉敕

宜依件行之

類聚三代
格第十一

